

PAULI IOVII EPISCO-
PI NVCERINI IN LIBRVM
septimum Elogiorum suorum
præfatio ad Cosmum Medic.

Florentiæ Ducem.



NON miraberis candidissi-
me Princeps, si complures
qui suis seculis insigni bel-
licæ laudis præconio flo-
ruerunt, hoc uolumine prætermis-
si vidētur: Nam ex professo eos tantum
quorum veras imagines nancisci potui-
mus, appositis Elogijs exornandos ar-
bitrabamur, ut in libro iā pridem à no-
bis edito de viris literarum elegantium
doctrina inclytis studiosè seruatū est.
Quamobrem iam mihi licet iure opti-
mo veniam deprecari, quando quidem
in hac tot imaginum supellectile com-
parāda, per triginta amplius annos per-
petua curiositate incensus, neque dili-
gentiæ neque sumptui vnquam peper-
cerim. Arbitrabar enim in hoc flexu æ-
tatis & præcipiti senectia, nullum om-

nino, abdicatis iam cæteris voluptatibus, vel honestius, vel splendidius studium fore (sacratio præsertim uiro) quã iocundam, & negotio liteq; vacuam maximeq; tranquillam uitam instituenti, parasse uiris elegantibus apud Musæum nostrum peramœnæ delectationis voluptatem ac utilissimum animorum oblectamentum, his præstantissimis veræ virtutis exemplis, quibus hæc vita sæpe anxia, & atri plena turbinis beatè composita procul à molestijs, & perturbationibus abduceretur. Cæterum uiuorum quoq; Ducum, & regnatum adhuc Regum imagines ibidem spectantur, quibus ideo pleniora elogia supposuisse puduit, quòd (vt Poete aiunt) vltimus vitæ dies indicet de omnibus, nec quisquam mortalium planè felix ante obitum dici queat. Præduri quoq; & odiosi sit muneris viuentium mores publicæ censuræ subiecisse, tanquam aliquãto certiore malevolentia, quàm præmij vel laudis spe. Quandoquidem apud multos hac tempestate parcè laudasse, quàm maledixisse tantūdem

dem sit. In hos scopulos aliquādo nos
 incidimus, quum historias vel egregio
 fidelis ingenij temperamento perscri-
 ptas, ederemus. Verūm hac eodem ro-
 bore constantis animi semper feremus
 quo grauissimī operis negociū aggressi,
 eam tantūm ab ingenuo labore lau-
 dem tanquam securiorem & pleniorē
 à posteris potius, quā à viuis, non ob-
 scuro cum liuore aliena saepe legētibus
 expectandam esse censebamus. Cate-
 rūm hic liber qui viuorum Elogia con-
 tinebit illustri & astricto nominis tui
 Encomio claudetur, & optimo quidē
 iure, quum domi tuæ natus sit, vbi con-
 cesso nobili ocio elegantiora stu-
 dia tuis auspicijs reflore-
 scunt. Vale.

ELOGIORVM LI-
BER SEPTIMVS.

Sub effigie Caroli v. Imp.



ALVE ter maxime Carole Quin-
te Auguste, à præclaro præcellentiu
uirtutum concursu atq; præsidio in
uictissimi Imperatoris cognomē me-
rite; quum apud cunctas propè gen-
tium omnium nationes splendidissima ingentium ui-
ctoriarum trophæa statueris, usq; ad cō felici euentu,
ut tuam uim non modò Barbari Africa, sed ipsi quoq;
Antipodes, quos uictoria tua nuper aperuit, intelli-
gant & admirentur; Quando quidem incomparabili
inuitate uirtutis tuæ documento indomitæ antea Ro-
manis, ulterioris Germaniæ gentes, bello superatæ, sic
bactæq; Maiestati gloriosi nominis tui pareāt, & tua
signa uel ex longinquo etiam trepidissimè uenerētur.
Quo fit, ut qui notis ritè cōceptis, pro salute gloriaq;
tua superis supplicant, à te hoc unū, quod est uerè sum-
mum ad dignitatem tuæ amplitudinis expostulent, ut
postquam uti maximè pius non obscura religione tan-
geris, de paranda communi concordia generosè de-
cernas, scilicet ut publicis piorum Principum armis
egregiè auctus & confirmatus, Solymani insolentissi-
mi hostis ferociam contundas. Neq; enim omnino e-
rit difficile inermem aciem grauibus armis protecto

agmi-

agmine perfringere, eius hostis quem uictrices aquilas reformidantem, & planè uertentem terga, nuper ad viennam conspexeris.

Iouij Iunioris.

Deuictas Turcarum acies, Libyenq; subactam
 Milite Casareo uictrix, quum uiderit Arctos:
 Vndantesq; procul Pœnorum sanguine campos,
 Proluit horrenti, quos Bagra da concitus unda;
 Quumq; minor genibus latis Germania terris;
 Atq; tuas totus sub leges iuerit orbis,
 Vndiq; te canimus uates ter maxime Cæsar;
 Præsentiq; tibi meritos largimur honores,
 Hic te monstrari populis gens Itala mauult,
 Quàm tua si Parij sublimis mole colossi
 Effigies medijs latè caput inserat astris
 Nā lapides, atq; æra cadunt, quibus imber, & ignes
 Officiunt, longiq; uorax iniuria seclī.
 At te olim CÆSAR cælestia tecta tenentem:
 Complementq; tuo felici nomine terras,
 Et tum etiam Libyæ populis, Turcæq; timendum
 Ante alios longè mirabitur alta uetustas.

Sub effigie Ferdinandi Regis
Romanorum.

T Tu quoq; Ferdinande Imperator deſi-
 gnate Regijs multis uirtutibus Cæsari
 germano fratri par, ſed Fortuna infe-
 rior bonitati liberalis ingenij tui magis
 ac magis inuitere, ut hanc rerum dominam tibi conce-

lies, atq; inde sicuti præclare optimus Regum omnium, amplissimus etiam fias. Neq; enim sat est clementem, pium, liberalemq; fuisse, nisi bona sors equissimis consilijs tuis arrideat. Sors quidem quæ omnia uersat, & uti lubet cæca libidine dare cuncta, & eripere consueuit. Adijisti quippe Pannonici Regni hæreditatem, quæ legitimo iure curiebatur, quòd id Regnum Rege orbatu uetustis & nouis fœderum legibus Austriaci sanguinis stirpem respiceret. Sed ius omne quod præclare tuum est, immanis Barbarus sic interrupit, ut nouum hominem quorundam Hungarorum Procerum importuna assentatione, è Præfectura Transyluaniæ prouectum, beneficiarij iuris nomine Pannoniæ Regno imponeret, & à te demum felicibus armis profligatum, in contumeliam Germanicæ authoritatis reducendū, tuendumq; susciperet: Quod uideri poterat ex dignitate Othomanni nominis confirmare clientem, & Christiana simul arma toties à maioribus suis uicta cõtemnere. Huic nanq; seculo fatale fuit, ut nostrorum Regum animi ueræ pietatis obliuiscerentur, exitialiq; insania inter se peruicacibus armis disiderent, scilicet ut Barbaris ueris hostibus sterneretur uia, qua illi nemine iustis uiribus obsistente in uiscera nostra penetrarent. Itaq; uirtuti tuæ tuisq; tantum opibus innixo non inane modò, sed sine stimo semper fuit, cum rabida immensarumq; uirium præualida bellua colluctari eritq; semper & miserum nobis & luctuosum, nisi Cæsar frater tanquam alter inuictus Hercules, opem ferat. In dextra nanq; eius tam forti quàm felici præclare sita

re sita est spes omnis parandæ incomparabilis, glorioſæq; uictoriæ, si æquam pacem pijs Regibus religionis amore dandam censeat; hisq; in societatem ascitis, eorum copijs, atq; opibus, uti uelit; sicuti Maximilianus auus tuus, summæ uirtutis & pietatis Imperator ad propulsandum, tollendumq; publicæ salutis periculum, opus esse sapientissimè decernebat.

Iouij Iunioris.

Te quoq; nubiferas; quæ Larius alluit Alpes,
 Tot claras inter Regumq; Ducumq; tabellas
 Littore Lunato Musæa Palatia seruant
 Spectandum populis Rex augustissime Regum.
 O uerè egregium cunctis decus addite terris
 Quàm bene Pannonij cura est tibi tradita regni,
 Scilicet; ut Duce te, nostris quandoq; superbum
 Finibus arceri speremus posse tyrannum;
 Qui uelut immissus syluis arentibus ignis
 Quum furit, insano Borea spirante, per agros,
 Corripit è medio crepitantibus omnia flammis.
 At tibi nec uirtus; spectataq; dextera bello
 Desuerit: tandemq; tuis, sic auguror, ausis
 Conuerso felix studio Fortuna fauebit.

Sub effigie Henrici Gallix Regis.



DIUI Diu. q; omnes te sospitent magnanime Henrice, & paternæ uirtutis æmulum faxint, modò illius totum iniquæ sortis omen auertant. Ex alijs nanq;

Fortunam discas quam non longè semper ab inuicta uirtute tua absfuturã experieris. Quandoquidẽ que optimo consilio prouideri queant, & regnistuis præsidio atq; ornamẽto sint, initio statim Principatus statuẽda cõsueris. Primum enim omnium ærario cuius opibus cuncta belli & pacis munia constant, ita cauisti, ut quæstorũ impudentes prædas sustuleris, & totius prope uenatorij sumptus luxuriæ moderata lege correxeris, ita ut agricolis in ipsa Regis uoluptate minimè sit lugendum; & quod integri tui pudoris est apud aulam licentiæ muliebris intemperiem castigaris; tanta uerecundiæ cura ut matronæ omnes perillustri Reginæ exemplo (hæc enim lectissimis pudicitia moribus gaudet) suum perspicuæ famæ decus respiciant, & solis nobilioris elegantia munditijs extra suspectas dubij pudoris illecebras pudici nominis laudem tueantur. Iustitiam porrò tanta seueritate colendam institutis, ut nihil apud iudicum collegia promercale, nihil apud equitum ordines corruptum, & nihil deniq; in causa religionis deprauatum, uel piaculo suspectum, uel ulla ex parte supinè neglectum esse patiare. Nec mirum est si hos mores in te iuuenè ueneramus atque suspicimus; postquam (quod est grauissimi & saluberrimi iudicij tui munus) toti summæ arcani consilij præfeceris Carolum Lotharingiæ Cardinalem singularis innocentia pietatis atq; prudentiæ hominem à te propter fidem industriamq; mirificam in minore Fortuna delectum. Quod uerò instauratæ florentisq; militiæ interest ipsum Annæum

Memoran.

Memorantium è uilla sua Centellia ubi fœmineis delationibus ac artificijs pressus importuno Reipublicæ tempore iacuerat, in aulam euocaueris, quod nemo ea sobrij constantisq; iudicij grauitate, aut perpetuo armorũ usu, castrensiũq; rerũ noticia, tuendæ Galliæ & proferendo imperio Dux potior atq; præstantior exoptari possit. Itaq; mactæ tuæ iam bis cùm in Alpibus, tum in Belgis spectata uirtute pernobilis Rex, perge ut coepisti, & uirtutem & pietatem cole ut Fortuna pudore uicta fortibus ausis tuis arrideat.

Benedicti Varchij.

Quid Regem uerè Regem, lateq; potentem
 Præstantem bello Regem, studijsq; Mineruæ
 Insignem addeceat si scire Henricæ laboras
 Henricæ Francorum decus, ac noua gloria gentis,
 Non alius quisquam citius, meliusue potest te
 Patre docere tuo, magnum bene consule patrem
 Patrem imitare tuũ, quo nullus tempore in omni
 Omnibus in rebus maior fuit, aut erit unquam:
 Ex illo uirtutem omnem, uerumq; laborem,
 Fortunam ex alijs tantum, didicisse memento.

Sub effigie Christierni Daciæ Regis.



QUIS neget te Christiernæ mortalium immanissime nequaquam ex merito nefariæ crudelitatis dantem pœnas, non quidem à Fortuna quæ sepe iocari neque diu consistere solet, uerum ab ipso magno numine cer-

tissimo semper ultore scelerum tandiu carceris calamitate fuisse mulctatum? Non enim humano partu in hanc editus lucem; sed à mōstruosa terrificaq; bellua, uti tuus saepe fert glacialis Oceanus natus & educatus inter Balenas & Orcas existimari potes. Hanc siquidem stirpem fateris insidiosis uipereisq; oculis, effera fronte, portentosisq; dentibus, & horrida barba humano cruore delibuta, qualem Anthropophagi Canibales apud Indiam noui reperti orbis ferre dicuntur. Non eius utiq; Christierni Regis sanguine progenitus esse potes, qui uti erat egregie pius, religionis causa aliquando pedibus Romam ierit, ut sacrosancta altaria pietatis plenus inuiferet, & Pontificem sacrorum Principem ueneraretur, muneratq; uenerationis eximia in patriam referret, quibus tu scelestissimus nepos potirere. Desciuisi siquidem impie atq; arroganter, non quidem à Romano Pontifice, quod fortasse ferri posses; sed à Christo, superisq; Diuis, ut te innocentissimorum sacerdotum sanguine cruentares; sacrorum aras euerteres; templorū donaria diriperes, & deniq; uti immanis parricida, humani generis odium parares; Scilicet ut totius Daciae, Gothiae, atque Noruegiae populi, monstrum sibi regnare non hominem indignantes, publica conspiratione rebellarent; itq; eiecto, Christianum re & nomine Regem; pro impio sibi deligerent, à quo perpetuis uinctus cathenis, tanquam indomita bellua, clatrata in cauea seruare. Dignus profectò omnibus tormentis atq; supplicijs, & nece turpissima; nisi honos qui Caesari tibi ex
matertera

matertera coniuncto, plurimus debetur, & Christier-
næ filix tuæ insignis pietas, quæ matri quam tibi simi-
lior euasit, infelicibus Sfortiano & Lotharingio con-
nubijs clara, te adhuc atroces retinentem spiritus, &
tetro carcere poenas dantem seruauissent.

Placidij Placentini.

Terrificam hanc effigiem, hunc horribilem tyrannū;

Dedecus hoc & Daniæ, dentibus ijs trifauci

Ad Stygios qui reboat persimilem feroci,

Sanguinis hoc deniq; sacri cupidum sepulchrum,

lis tabulis (credo equidem) non meminisse fas est:

Ni monumentum ueluti perfidiæ effratur.

Ingenium scilicet hic exuerat benignum,

Et uelut antiqua manus iam uoluit Gigantum.

Dum nequit alto officere hic coelicolum tonanti;

Insequitur, seuit, & almos necat (heu) ministros:

Templaque sacris uacuat tum spolijs profanus.

Et nisi qui fulmīna torquet, populos subactos

Ensis ac corde fero cogeret in tyrannum

Spiritus huic terribilis iam solium locasset.

Sub effigie Solymani Turcarum Imperatoris.



OLYMANO ex re feliciter pro
uisa, cui euentus responderit, nomen
obuenisse elegantiores Turcæ asse-
runt, secus ac patri cōtigisse constat,
qui à contrario sensu Selymus hos

est mansuetus & lenis authorque pacis sit uocatus, quo nemo Othomannorum Principum ingenio ferocior & ad seuitiam pronior & denique bellicosior fuerit. Nam si memoria repetamus utriusque res gestas quas in Historijs enarrauimus, plus certe cruoris effusum fuisse fatebimur per octo annos quibus Selymus imperauit, quam his triginta quibus Solymanus Imperio potitus est. Hoc uerò nomen Salomonem Mosaicis annalibus Regem, sapientiæ gloria inelytum immutatis syllabis refert. Sed Solymani, si comparare iuuat res gestæ, paternæ famæ nomen æquasse censeferi possunt, si numeros & pondera uictoriarū æqua lance expendamus. Recepta nanque Syria, interfecto Gazelle qui rebellarat; & Belgradum Pannoniæ propugnaculum cum ignominia Christiani nominis fortiter expugnatum, Rhodus manu capta, trucidatus in acie Rex Hungarus; Buda urbs Regia bis occupata; Austriani exercitus ad Exechium foeda in fuga cæsus atque deletus; Rocandulphi ingentes copiæ ad Budam expugnatis castris superatæ; contemptisq; demum atque repulsus ad Pestum Germanorum exercitus, & expugnatum in oculis Strigonium & Albaregalis eo uictorie cursu in potestatem redacta, & paulo antea Hispani in Dalmatia ad Castrum nouum strenuè expugnati, cæsiq; & quod foedius nobis accidere non potuit nostræ classes quæ insuperabiles uiderentur ad Leucadem in fugam coniectæ, Solymanum profecto neque patri ausu imparcm, neque prorsus in-

tem

tem aut gloriæ minus auidum testabuntur. Quod si eius uictorias ad Orientem partas computemus Assyriæ & Mesopotamiæ Regna cum Babylonia, clarissima Orientis urbe & magnæ Memphi proculdubio æquanda Othomannico adiecta Imperio, captæ Aegypto opponi & comparari possunt, & quod ad gloriam attinet, euastati maioris Armeniæ, Mediæ, Persidisque fines usque ad sinum Persicum, captumque bis Taurisium Persarum Regia, omnibus ornamentis spoliatum, nonne Tamma sum Hismaclis filium refugientem ad montes, neque consistere, neque acie congregi ausum, se planè uictum confiteri coegerunt? Superi itaque Solymano eam mentem tribuant, ut perpetuo bello uexandum Orientem, appetendamque Indiam censeat; postquam nos tot acceptarum cladum minimè pudet; nec ex communi concordia de sacro bello cogitamus, dummodo hostis auersi beneficio pace frui liceat, quum huius Solymani uires eleuare, nostras iactanter efferre, eius mores ineptè carpere contendimus. At ipse Turcis eius certè erit (ut illi fatentur) supra ceteros Othomannorum Principes, qui per ducentos regnarint annos, iustitiæ, sobrietatis, & continentis laude clarissimus, quum nulla impietatis atque seuitiæ, sed multa religionis atque clementis nouimenta Mustaphæ filio iam planè uiro & nobis formidando æmulanda proponat.

Iani Vitalis.

Ocia quem nunquam tentarunt mollia, quem non
 Delitijs fregit desidioſa Venus,
 Regnatorem Aſiæ Solymantum en aspice quiſquis
 Scyllæam ignoras terribilem ingluuiem,
 Aegyptum ille inhians, inhians Indosq̃, Getasq̃;
 Pannoniæq̃; arces, indomitamq̃; Rhodum
 Vi magna aggreſſus rapuit, te uindice Caſar
 Euasit rabiem ſola Vienna ſuam,
 Et nunc immitis foeta truculentior ursa
 In latebris fingit funera noſtra ſuis,
 Interea dum nos uigilantes ſtertimus, ille
 Inſomnis, nobis integra Regna uorat.

Sub effigie Andreae Auriae Clas-
ſis Praefecti.

IV te ſoſpitem cœleſtia numina fortis
 nate ſenex, aſſertæ in libertatem pa-
 triæ ſuprema gloria inclyte, perpe-
 tue & inuictæ prædonum hoſtis, &
 multis mari partis uictorijs celebra-
 te. Dij ſuperi inquam ſeruent, & in hoc uiuide ſene-
 ctæ robore ſiſtant. Ad præſidium nanque ora mariti-
 mæ Deorum immortalium beneficio natus exiſtima-
 ris, qui unicus cœli nubiumq̃; ſpectator naualis diſci-
 plinæ arcana, huic ſeculo propalaſti; ut doceres qui-
 bus artibus & irati maris contumeliam, & ſcuientis
 Aeoli minas contemnere poſſent qui hybernis etiam
 tempore

tempestatibus se fortiter committere audeant. Hoc tibi supremi laboris superest, ut pro tua uetere uirtute, uigilantia, pietate, patriam quam abolitis ueterum tyrannorum nominibus uerè liberam opibusq; florentem fecisti; parta ciuium concordia, diu serues, incolu memq; & bene fortunatam faxis.

Iani Vitalis.

Quem spectas barba horrentem, seuumq; tridente
Imperium pelagi magna dititione tenentem
Aurius est; non ille modò Libyaq; Asiaq;
Piratarum horror, & formidabile nomen,
Sed terræ decus Ausoniae, & noua gloria Martis.
Hic patriam longo concussam turbine belli
Firmauit pace, & ciuiles sustulit iras
Illum grata suum, Ligurum Respublica ciuem
Et pietate grauem, & meritis ingentibus, inter
Delectos procures quos illa ab origine prima
Excoluit celebrem æterno sacrauit honore
Et Iouius tabulam uirtutis dedicat ergò.

Sub effigie Tammali Sophi Persarum Regis.



MAGNO Hismaeli quatuor filij fuerunt: Tammal, Helcas, Becram, & Somurza; sed hic Tammal communi iure gentium quòd esset natu maximus Regnum excepit: uerum non eadem felicitate qua pater, quanquam hisdem prope artibus id regeret, aut

proferre, aut tueri potuit. Intempestiua nanq; fratru
 æmulatione uexatus, & à Parthia Hyrcanorum la-
 cesitus armis Othomannica arma nõ diu tulit, quum
 Solymanus intellecta occasione è Comagene in Me-
 Jopotamiam effusis ingentibus copijs totam eam re-
 gionem, quam hodie Diarbecham Barbari appellat,
 quatuor claris urbibus & singulari copiaru omniu
 fertilitate nobilem occupasset. In ea enim sunt urbes
 Byrtha apud Euphratē, & secundū eā introrsus Ca-
 ra Amida, & Moredinum & Orpha quæ Edessa fuit,
 & quæ est ad Tauri radices Bithelis. Exinde Solyma-
 nus Syriæ, Iudææ, & Aegypti Satraparum auctus co-
 pijs, Assyriæ Regnum inuasit, & Babyloniam Alexā-
 dri magni & Reginæ Semiramis memoria claram im-
 mensa cupiditate ex tam facili uictoria adiit, & in
 deditionem accepit, ut inde expeditus atq; terribilis
 ad Taurisum æquata Selymi patris celeritate con-
 tenderet. Tum uerò Tammæs quòd uiribus esset infe-
 rior ad mōtana asperaq; loca se subducens & subitis
 incursionibus uenturi & prælio certaturi samā præ-
 bens, ita Solymanum spe pugna frustratus est, ut dece-
 dentem, & pabuli presum inopia, hisdem uestigijs in-
 sequeretur; adeptusq; eius nouissimum agmen ad Bi-
 thelim urbem Tauro suppositam quum Turcæ pro-
 pter effusas niues multis affligerentur incommodis,
 eorum castra per Delimentem impigrū Ducem no-
 ctu adoriretur, & maxime cruenta cæde semisopitos
 obrueret. Ea clade Solymanus qui Cara Amidæ substi-
 terat, dolore perculsus Byzantiū redijt usq; adeo sibi
 iratus,

iratus ut sperati triumphi publiceque letitiæ apparatus omnem reijceret, ulturusque contumeliam iuraret non prius se cepto bello finem impositurum, quam Hi smaelis progeniem (uti Selymus pater, & auus Balazetes statuisent) funditus excinderet. Hæc siquidem odia cum ipsa nouæ religionis dissensio, tum antiqua similtas à proauo Mahomete cum Vssumcassane cõcepta, in immensum extenderant. Ferebatur quoque Tamam, quod maximè Mahometanis erat odiosum, per mutuas legationes cõcitare Carolum Cesarem ut Turcis in Oriente occupatis, Pannoniæ & Græciæ, terramarique inuadenda occasionem arriperet. Tammas quoque aliud subiit incommodum: nam ab eo Helcas germanus frater ad Solymantum Byzantij agentem transfugit; cuius hortatu renouatum est bellum, quo Helcas ut perfidiæ, aut stulti consilij poenas daret, quum se bello Ducem profiteretur, non longè à Balzera que est Emporiũ Persici sinus, interceptus est; eo successu ut Tammas adhuc respiret, & accersitis in auxiliũ ab Indico Oceano Lusitanis aliquot scelopettarijs, locorum opportunitate se defendat. Ipse roseo uultu & alacribus oculis, dignam Imperio faciem præfert, & inter Persas, quod maximè decorum est, equitandi & sagittandi peritissimus habetur.

Lælij Carani.

Regali Tammas Persarum sanguine cretus
 Hic est, quem roseo pinxit Natura colore
 Quem Venus ambrosiæ cõspersit odoribus, armis

Quem Mars bellipotens simul & Tritonia uirgo
 Munere bellorum, scuis instruxit & armis,
 Qui quamuis odio fratrum uexatus acerbo
 Hircanisq; armis, clari haud benefacta parentis
 Aequarit, tamen audaces expellere Turcas
 Est ausus, quorum tepefecit sanguine terras.
 Hic ubi iam niueo Tauri splendore coruscis
 Frigoreq; algentes nocturna strage fugauit
 Rettulit & magno claros ex hoste triumphos.
 Immanis summo percussus Turca dolore
 Prostratas acies cum cernit milite Persa
 Sic proprias repetit sedes, & corde querelas
 Sæpius effundit miseras, & percitus ira
 Testatur diuos se unquam nil linquere inausum
 Inuisos donec Persas euerterit orbe.
 Ast inuicte noua Tammas uirtute superbum
 In patrios iterum fines irrumperere Turcam
 Si qua parte uides, armis uictricibus arce,
 Sterne, fugaq; proculq; doma; nam uictor honores
 Et famam claro felix æquabis Olympo.

Sub effigie Thomæ Hauardi Nor-
 foltij Ducis.



IC est ille bello inclutus & supra om-
 nes mortales supremo hoc infortuniomi
 ser Thomas Hauardus Surreij filius ab
 Anglis de nomine eius Imperio subdite
 Prouinciæ Norfoltijs appellatus. Is Surreio patri o-
 peram in prima acie nauans, quum Scoti ad Floddie
 occiso

occiso Rege delerentur, singularem eius uictoriæ laudem tulit; Rebellantem Hyberniam eo traiciens armis perdomuit atq; pacauit. Henrico Regi bis Galliæ bellum inferenti traicientiq; in continentem bellica laude uirtuteq; animi Ducum clarissimus magno usui fuit. Postremò cum industriæ, perpetuiq; officij sui fructum tulit, ut post damnatum cæsumq; securi Edmundo fratre, eiusq; filiam pari supplicio multata, quòd Regi tot cædibus effrato infauste nupsisset, turris Londiniæ carceri includeretur; seruetur tamen uiuus à Rege, ut in carcere Regem non omnino ingratum erga se qui adhuc tyranni beneficio uiueret, fateretur.

Lælij Carani.

Horrida Norforti dum tractas arma tremende
 Diceris esse Deo bellipotente satus,
 Nam tua dextra graues armis quum perderet hostes
 Obstipuere homines, o! stupuere Dei
 Sed magis mirantur te hominesq; Deiq; tyrannum
 Quum uirtute uident sic cecidisse tua.

Eiusdem.

Lictoris rabiem Marius compefcit inermis,
 Illi dum ferro colla ferire parat,
 Per cetera Norforti perterres dira tyrannis
 Se sedare tuo nanq; cruore pauet.

Sub effigie Ferdinandi Toletani
Albæ Principis.



FNITERE magnanime Albane, & qui
militiæ usque ad eò lætis initijs effloruisti
perpetuo uirtutis atque uictoriæ cursu
ad summum gloriæ fastigium contende,
qui antiqua Toletanae familiæ decora cumulatè re-
nouas, & Hispaniæ ueterem belli gloriam asseris, be-
nignitateq; splendidissimi ingenij cunctos proceres
æquas & quosq; Duces consilio, uigilantia & ingen-
tibus ausis antecellis. Agnoscimus siquidem, quid ge-
neroso illo tuo & insatiabili laudis spiritu petas &
speres, & quid deniq; certissimis summarū uirtutum
præsidijs circumseptus strenuè euadèdo consequi pos-
sis. Insita nanq; tibi est, & à præaltis maiorum tuo-
rum seminibus ingenita, ueræ laudis, ueriq; decoris
immensa cupiditas. Nam te Federici aui Batico & Cā-
tabrico bello clarissimi trophæa excitant, te Garziæ
patris Libycis arenis insepulti manes urgent; te Cæ-
sar ipse cui tu maximè conspicuus, inter splendidissi-
mos Proceres fidei uirtutisq; nomine delectus perpe-
tuò adsisstis comes, uehemèter accendit, ut nihil nisi ar-
duū, nisi excelsam, et optimæ laudis spe plenū spectes
unde summa petatur gloria. Hanc enim unā ipse pe-
tit, in qua tamen pietas emineat, & amplificatæ Reli-
gionis fama cōstet; tanto quidē studio, ut te secum ra-
piat, benigneq; tecū suū decus cōmunicet. Et hoc her-
ele multo modestius & liberalius, quando quidē quo-
tans

tam suæ laudis partem tibi concesserit, quæ triumphalem laurū de prostrato ad Albim, captoq; Saxonum Principe repudiaret, ut totum id decus à te forti ausu feliciq; dextra partum, præclaro iure tibi deberi fate retur. Consecisti itaq; tua ingenti uirtute difficillimū atq; durissimum bellum, quod auspicijs inuicti Casaris gerebas, optima quidem spe, & singulari per seuerantia, quando semper antecursor, semper hosti proximus, semper ex tua peculiari disciplina munitis simis uallatus castris, ita progredere ut maturè obuenientis uictoriæ fructum propè solus delibares, atque inde totum perciperes. His tuis ad incomparabilem laudè præclare gestis, sicuti antea in Pannonia, Africa, Gallia, te effecturū promiseras, aui atq; patris felices animæ iam pridem ex meritis in coelum receptæ, ita gaudent & exultant, ut te etiam atq; etiam obtinere cohortentur ad concitandū Casarem suo pte ingenio de sacri belli gloria cupidissimè cogitatem. Nihil enim ei uel ad usum rerum præsentium aptius, uel ad gloriam laudatius, uel ad spem eternitatis omnino beatius accidere potest, quàm ut in ueros hostes uniuersa Christiani nominis arma, unius præserim inuicti, pijsq; & bene fortunati Imperatoris auspicijs conuertantur.

Andræ Angulij.

Dum cogis Fernande Scythas dare terga Viennæ

Astra suo lambit uertice Danubius;

Et quæ lentus aquas agit Afris Bagraða arenis

Miratus dextræ est celsa trophæa tuæ;

Te rapidus tremuit Rhodanus, ter Gallia magni

Cesaris est armis quum quatefacta ferox:

Illiis amissa Libycis quoq; Sauus in undis

Classe, tui robur pectoris obstupuit;

Tandem Albis bello uictus te sistit Olympo

Dum duce te, Carolo perfida colla dedit.

Ergo aqua uel tellus, nulla est non plena triumphis

Pars etiam Coeli; clare te Toledo tuis.

Sub effigie Muleamethis cognomen-
to Scyriffi, magni Regis Mauritaniae.



AC talari linteaq; toga induitur Scy-
riffus, & oblongo linteolo simplici-
bus spiris ita caput inuoluit, ut eius
extrema pars instar ingentis caudae
à dextra aure per humeros & crura
ad talos usq; diffundatur. Hoc habitu Sacerdotes Ae-
gyptios olim usos fuisse constat, sic ut facile reat sacri
ficuli cultum inde acceptum quem nostri sacra facien-
tes superinduunt, & Camisum uocant. Muleamethes
siquidem ob id Scyriffus uocatur quòd sacratae sit stir-
pis, & Mahometis pseudoprophetae sanguine pro-
genitus. Ea uox enim Arabicè uirum sanctimonia pol-
lentem, & sacris mysterijs deditum exprimit. Quo-
modo autè hic magno huius seculi prodigio (cum ef-
set pædagogus) ad tot amplissima Regna peruenerit,
breuius quàm potero explicauerim, ut hinc quoquè
astrologicae diuinationi non inanem famam adstrua-
mus

LIBER SEPTIMVS. 579

mus & iam sit planè perspicuum totam humanæ for-
 tis fortunam sua auspicia è cœlo deducere. Scyriſſi
 pater Zidamethes habitauit in Dara, quod est regnū
 non procul à Staffileta regione, quæ tota palmifera
 est, & magno incolarum emolumento dactylorum
 copiam uenalem præbet, qui fructus esui gratus, à fi-
 nitimis ulterioribusq; populis expetitur. Huius mer-
 cimonij aliarumq; rerum opulentus erat mercator
 Zidamethes & prudentiæ opinione maximè inſi-
 gnis: sed in primis syderalis scientiæ peritiſſimus, ut
 pote qui multa præuunciaret & diuinaret, profite-
 riq; auderet, uel multis iridentibus, duos se habere
 liberos qui proculdubio ad Regale fastigium essent e-
 uasuri. Hi erant Mahometes & hic Scyriſſus nomine
 Amethes, qui Arabicis eruditi literis ludum aperue-
 rant, puerosque docebant, pari concursu questuq;
 apud finitimas gētes doctrinæ fama celebrati. Hos pa-
 ter admonuit ut noscendis externarum gentium mo-
 ribus longinquam peregrinationem susciperent, re-
 ligionisq; causa Mahometis prophetæ templum &
 sepulchrum ad Mecham & Talnabim (quæ sunt in
 Arabia) uenerabundi adirent: quòd opinio religio-
 nis mortalibus ingenita, homines ei deditos augustio-
 res, & apud imperitos admirandos efficiat. Suscepe-
 re itaq; iter & Memphim inuisere, transuere mare
 Rubrum, deflexereq; Hierosolymas usq; Byzantium;
 atq; inde reuersi in Africam, apud Tunetum aliquan-
 diu consistere, cœptiq; sunt haberi in ueneratione a-
 pud Punicas gentes, quòd essent ex progenie Maho-

metis, inuissentq; sacrosancta templa & moumenta
 ueterum Hebræorum, atq; alba ueste uteretur. Maho-
 metani siquidem eos qui religioso uoto conditoris se-
 ctæ suæ Mahometis sepulchrum inuiserint, sacrosan-
 ctos appellare soliti sunt, & eos à cultu candidæ uestis
 agnoscunt. Ab eo tempore ingentes amicitias cum A-
 rabibus Regulis cõtraxerunt, & uti erant ex pater-
 nis diuitijs maximè opulenti ad tractanda arma tran-
 siuerunt, ut fatis suis uiam aperirent. Adhasere itaq;
 uagis Arabibus qui in Africa à Nilo usque ad Ocea-
 num Atlanticum incertis sedibus uagantur, impe-
 rantque tributa Regibus, & detrectantes uenalem
 amicitiam, armis inuadunt, qui ut tum accidit, ma-
 gnis uiribus Buccentuffum Maurocchi Regem oppu-
 gnebant. Maurocchum longè clarissima ulterioris
 Mauritanie urbs quæ Romanis temporibus ut conie-
 ctari licet Bogudis Regis fuit, distat ab Atlante trigim-
 ta milibus passuum, ea camporum specie, & aqua-
 rum ubertate, qua Mediolanum florere discedere q;
 ab Alpibus uidemus. Sed Buccentuffus qui ab Al-
 mansore potentissimo Rege aliquot ante seculis occu-
 patæ Hispanie gloria inclyto, genus ducebat, non
 prius expugnari potuit, quàm Fessanus Tingitanæ et
 Cesariensis Mauritanie Rex, in societatem Arabum
 traheretur industria præsertim duorum fratrum, quo-
 rum autoritas apud Fessanum plurimum ualebat.
 Eo itaq; euentu Arabes Mauroecho potiti sunt, ut
 Mahometes alter fratrum minor natiu Rex efficere-
 tur, quum Buccentuffus ei se desperatis rebus certa
 conditione

conditione dedidisset. Sed hunc postea Maho-
 metes periurus & seuus in granaria scrobe im-
 maniter necauit. Amethes autem Scyriffus trans
 Atlantem progressus, opulentissimæ regionis Re-
 gnum, quod Susium uocant, frumento, olea, uitæque
 & metallis abundans, & Tarodentam clarissi-
 mam urbem, quæ Arabum stipendiaria fuerat, oc-
 cupauit. Ea regio iubatos coronatósque Leones
 gignit, generosos quidem & homini parcentes ni-
 si ex pecore minoribusque feris ad alimentum præ-
 da desit. Ab Atlante qui est nemorosus & altis-
 simus, & hodie mons Clarus appellatur, perpe-
 tui montes oriuntur, non secus ac ab Alpibus no-
 stris Apenninus, longo tractu & multis flexibus in
 Orientem sic exporrecti, ut mediam Africam pro-
 scindant, & ab arenis disterminent. Eæ nanque
 arenarum solitudines ad ulteriores Aethiopes per-
 tinent. Ceterum Scyriffus non contentus am-
 plissimo regno, Fessani Regis & Arabum fretus
 auxilijs Maurocchi Regnum Mahometi fratri in-
 uidit, & abstulit; Ea tamen conditione ut in Dara
 & Staffilite eum regnare pateretur, quæ regna
 paulo antè communibus uiribus occupassent.
 Ex Mauroccho demum Scyriffus insatiabili cu-
 piditate ad Fessanum regnum oculos adiecit, in-
 pxiúsque suis dolis & felicibus armis regem
 Mulcamethem debellauit & eiecit, quum illum
 fatigatum multis diuturni belli detrimentis Fes-
 sanus populus, ut Fortune cederet hortare

tur, ne ruentis patriæ casum, & ciuium suorum interitum conspiceret. Ea uerò magnitudine animi Scyrriffus undiq; probitatis atq; iustitiæ ac humanitatis gloriam captare solitus, in uictoria usus est, ut diceret neminem se apud Maurocchum regnare passurum præterquam Muleamethem iocatus in communi nomine, atq; ita uictum & dudum hostem Maurocchi Regem fecit, illumq; eo cum liberis ac uxoribus & Regia Gaza migrare iussit; magno quidem cum dolore Muleamethis cui nobilissima atq; amplissima Mauritanie ciuitas, & patria erat relinquenda. Urbem Fessam interluit Sala annis, qui hodie Rhazalma uocatur, & in Oceanum iuxta urbem Azamor nauigabilis defertur. Eam septuaginta quinque milibus domorum infinitoq; populo frequentem esse omnes afferunt, trecentaq; & sexaginta frumentariæ mole in annu uisuntur, actæ machinis, quas profluentis aque impetus rotat & euoluit. Infinite sunt in urbe rerum fabrilium tabernæ, & plura mercimonij pretiosi conditoria, certis septis publicè custodita, atque itè Gymnasia duo quibus iuuetus discendis disciplinis & literis publico sumptu alitur & docetur. Fessani hospitales domos habent, peregrinis suscipiendis, atque xenodochia in quibus afflictis morbis benignè curantur. Populus in uniuersum suffuscus coloris est; sed foemine cultus elegantia, multaq; lasciuia morum perpetua ferè umbra fuscèdinem auertunt, & quotidianis choreis indulgent. Hac in urbe Scyrriffus solum constituit, subnixusq; suis uiribus Tremezenium Regem

gem Cæsaris clientem eiecit, bellum cum Lusitanis continenter gerit (hi in ora Mauritania extra & intra Gaditanum fretum oppida tenent; Acillam quam Arzillam uocant & Septam, quæ Plinio Septem fratrum à totidem imminentibus collibus, urbs fuit) eo quidem successu ut Azamore oppido sit potitus, & Gheum oppidum in promontorio situm, quod summa uirtute sed infelici exitu aliquandiu à Lusitano præfecto fuerat defensum, expugnarit. Ea uerò in pugna qua postremò Fessanus Rex est debellatus, Muleboazon qui Fessano aderat auxiliarius, Velestio urbe quæ ferè est contra Gades posita, exutus est; sic ut exul & ex uulnere dextro oculo captus in Hispaniam refugerit; atq; inde auxilia postulatum in Germaniam usq; ad Cæsarem pertenderit, famam de Scyrißi uiribus ingentem relinquens & admonens Prinoipes nostros ut maturè caueant, ne is Granatæ affectans Regna, alicunde traijciendi in Hispaniam occasionè & facultatem arripiat. Habuisse enim eum in acie octuaginta milia equitum, & peditum balistariorum sclopettariorumq; uiginti milia, moreq; nostro egregiè fabricata aenea tormenta maioris minorisq; generis conuecta equis & curribus ad octingenta, accessuramq; profectò ei infinitam Arabum & Mauro rum multitudinem, si traijcere meditetur, & religionis causa bellum paret. Sed planè senem octogennarium quanquam uiridi ualidū senectæ, & assidue camelinò lacte utentem, aut sua proculdubio absument fata, aut superi ab Hispania auertēt, aut ueris arma-

tisq; militibus ubiq; terrarum egregiè uincere assue-
tis, trucidandum uel uinciendum obijcient.

Andreas Angulij.

Miraris mitra hunc cinctum septemplici, & alba
Indutum stola Regem habitu Libyco;
Quid si illum nosse, atq; illius inclyta facta
Facta inquam audisses, digna duce Annibale?
Hic uelut æthereum fulgur, ui Martis aperta,
Regna propinqua suo subdidit imperio:
Masilum huic gentes, Getuli, & maximus Atlas,
Et Maurítani colla dedere duces,
Adde quòd arma etiam Bætis meditatur ad urbes,
Hispano spreto milite, & Oceano,
Dum parat hæc magna, illi sors, uirtusq; parauit
Nunc Ionij calamum principis Historiæ.

Sub effigie Ferdinandi Gonzagæ.



HO C in te Ferdinande Gonzaga Du-
cum præstantissime bellicæ uirtutis
eximium decus resulget, quòd arma
to præsentèq; Cesare summæ uirtu-
tis & fortunæ Imperatore cuncta ca-
strensis disciplinæ munia obis, quum in agmine, in ca-
stris, & in acie uti collega Cesaris iura summæ pote-
statis exerceas, unde geminata laus effulget, cum me-
riti tui scilicet, tum iudicij Cesaris, qui tantus ipse Im-
perator te unum supra ceteros, ducem longè opti-
mum censet. Esse quidem egregium Ducem, ut reor,
magnam

magnum est; sed opinione hominum existimari cen-
 seriq; eius maxime iudicio, qui cuncta ratione guber-
 net; longè maximum uideri potest. Agnoscit quippe
 Cæsar humanarum rerum peritissimus, quo robore
 animi totas ardentis belli difficultates sustineas & su-
 peres, qua mentis prouidentia locorum & tempo-
 rum gnarus consilia explices, denique qua uilacerto-
 si pectoris & animi in armatas hostium acies defera-
 re. Præclara siquidem testificatione digna historijs
 eximia uirtutis & industria exempla in Apulia, Afri-
 ca, Mauritania, Gallia, & Belgio reliquisti, quum ex
 præfectura Siciliæ quantum tibi curæ fuerit Siculo-
 rum, aratorumq; præsertim immunitates & commo-
 da tueri, quantumq; seditiosorum militum licentia im-
 manis tibi odio fuerit, ostenderis, dum maleficos pla-
 neq; deficientes à Cæsaris authoritate seuerissimis sup-
 plicijs punires, unde tibi Cæsar improborum mili-
 tum hostis acerrimus aliquando gratias egerit, mune-
 raq; rependerit, scilicet ut te Gallie Cisalpinæ præsi-
 ceret, cuius procurationem ita instituisti, ut nemini ti-
 menda belli incommoda, & nemini à quoquam con-
 tra æquitatem iniuria sit expectanda, & te unum ma-
 xime acrem aduersus hostes armatum defensorem,
 authorem tranquillitatis, & magnificentiæ studio
 præclara priuatim & publicè urbi ornamenta para-
 tem Insubres uenerentur.

Iulij Iouij.

Macte animo egregio decus insuperabile gentis
 Gonzagæ, quem tanta rapit super æthera belli
 Gloria, quæ stabit claris æterna trophæis
 Ausonios inter proceres, & Martis alumnos
 Sic splendore nites, quantum omni sydere maior
 Sol micat irradians, totum qui illuminat orbem.
 Belgica gæs, Libyaq; urbes, Rhodanusq; superbus
 Arnus, & ingens Danubius, Tybrisq; fatentur
 Quantum consilio Fernandus possit & armis
 Aeternos cui bellipotens concessit honores
 Militiæ, ut Carolo dignus, dignusq; Philippo
 Insubriæ regeret iusto moderamine gentes.
 Ergo tibi partes inuicto Marte triumphos
 Suscipe magnanime Heroum, te celsa fugatis
 Hostibus assequitur celeri uictoria passu.
 Viue igitur felix, uolitaus tua nam inchyta uirtus
 Clara per ora uirum, celsum conscendet Olympū.

Sub effigie Ioannis Tarnouij Co-
 mitis Poloni.



VOTIS tuis religiosè susceptis usque
 quaq; aspirent coelestia numina magna-
 nime Tarnoui qui hac in tabula trium-
 phali lauro, & uictoricibus armis conspi-
 cuius spectaris, & Martio uultu illustre Sarmaticæ
 uirtutis decus effers, qui toties de Barbaris bello ui-
 ctor & triumphator uberiores etiam uictorias te pa-
 triæ relaturum polliceris; quibus latè summotis pul-
 sisq;

sisq; hostibus Lithuani, Roxolani, Podolij, Polonico
 imperio coniunctæ gentes secura atq; latissima pace
 perfruantur. Nihil enim nisi magnum ingenti animo
 cõcipis; nihil nisi gloriosum, salutare, & tibi patriæq;
 decorum & illustre complecteris, ut clarissimis factis
 insitum generosæ uirtutis nomen & famam latissimè
 extendas. Eo nanq; studio in adolescentia ingenium
 optimis literis excoluisti, iuuentam durissimis belli la-
 boribus dicaisti, ut uir demum factus, totum penè terra-
 rum orbem, noscendis tot gentium moribus nobilissi-
 ma peregrinatione circuendum susciperes; adita pri-
 mò Asia Syriæq; religionis causa, & conspecto mari
 Rubro, peruagatus etiã Africa ciuitates usq; ad Atlanti-
 cum Oceanum, ubi aduersus Barbaros Lusitanie Re-
 gi operam nauans, & fortis militis et periti Ducis lau-
 dem decoraq; spectatæ uirtutis ornamenta consecu-
 tus es. Ab hac peregrinatione noticiaq; multiplici re-
 rum bellicarum auctus, in patriam rediisti, quum Leo-
 nem Romanum Pontificem, & Carolum Cesarem es-
 ses ueneratus, tanto hominum fauore ut Sigismundo
 Regi commèdarere & ab eo uniuersis Regijs copijs
 præficereris, eamq; patriæ præstares operam asiduè
 Barbarorum incursionibus laboranti, qualem afflictis
 ciues tui ab optimo ciue fortunatoq; Imperatore de-
 poscebant. Siquidem Moldauos Geticam gentem Pe-
 tro eorum Regulo duce ad Obortinum ita profliga-
 sti, ut hostes alioqui terrifici, & multitudine superan-
 tes Principe uulnerato, primarijsq; gentis interfectis
 turpem in fugam coijcerentur; tu castris eorum &

tormentis potireris atq; inde triumphati curru Cræ-
 couiam inueherere; tanto Moldauis terrore iniecto,
 ut Petrus renouare bellum ausus; quum te aduersum
 se iterum delectum Imperatorem audiret, omisso bel-
 lo ad non iniquas parandæ pacis conditiones sit con-
 uersus; Sed huic Moldauicæ uictoriæ Historijs nostris
 abundè ccelebratæ, alteram amplioris proculdubio
 gloriæ de Moscis ad Starodubum debellatis addidisti.
 Sæpius Tartaros Schythas foedissimum atq; improui-
 sum hostium genus non uno in loco illata cæde repres-
 sisti; singulari autem prudentia orientes in Regno se-
 ditiones compressisti, usq; ad eò latè propagata fama
 nominis, ut inuadente Pannoniam Solymano, Germa-
 ni atq; Hungari Bohemiq; te unum sibi tanquam inui-
 ctæ uirtutis gerendo bello Ducem expeterent. Ve-
 rum quòd non esset tutum præstare eam operam, tan-
 tum honorem probè repudiasti, ne id egrè ferret Si-
 gismundus Rex tuus Solymano uetere amicitia coniu-
 ctus; quum tamen ille paratus foret, & te ipsum, &
 uniuersi Regni copias Reipublicæ concedere si reli-
 quorum Christiani nominis Regum arma sacro susce-
 pto bello in unum iungerentur, quod tu suprema cu-
 ra concupiscere existimaris, & Dij faxint ut huius pij
 nobilisq; uoti compos fias. Nihil enim est magis deco-
 rum & expetendum uiro forti generosoq; quàm pro
 patria dignitateq; Christiani nominis, reformidato om-
 ni uite periculo cum Turcis Europa Regna affectan-
 tibus decertare.

LIBER SEPTIMVS. 589

Iulij Iouij.

Salue ò Sarmaticæ gentis fortissime ductor
 Iustitia atq; armis, quis se tibi conferat unquam?
 Quum tua dat sonitu bellorum buccina signum
 Poscis equos, atq; arma gerens in prælia, turmas
 Sternis, & armatos exultans deijcis hostes
 Moldauicæ dominum campo congressus aperto
 Eudis, Sauromatis cladem excidiumq; minantem.
 Te superis Astrea plagis transcribit, & ipsa
 Iam tibi perpetuos Diuum concessit honores,
 Sarmata magnanime agnoscat uentura uetustas
 Nullum posse tibi similem monstrarier orbi,
 At tu, uiuus adhuc, multis dominaberis annis.

Alexandri Suchteni Germani.

Diues opus tellus, clarisq; potentior armis
 Dat mihi natales Sarmatis oralares.
 Sicut imaginibus titulisq; superbus auorum
 Sic uirtute mea magnus in orbe feror.
 Vallachus imparibus quum nos inuaserat armis
 Auspicijs cæsus Dux fuit ipse meis.
 Vistula Moldau clypeosq; arcusq; rotasq;
 In mare Theutonicum barbara signa tulit.
 Facta quòd illius non sis tum præda furori
 Tarnouio debes terra Polona tuo.

Sub effigie Cosmi Medicis Florent.
Principis.



II uota tua cumulatè impleant ma-
gnanime Cosme, postquam nihil præ-
ter ipsum absolutæ uirtutis specimen
respiciunt. Tales nanq; tibi mores
natura tribuit, nusquam hercle no-
uerca, uti fas est uidere, sed semper arridens & be-
nigna mater, ut gloriam ex benefactis clarissimisq;
uirtutibus obuientem contemnas potius quàm asse-
ctes. Apud te siquidem pudor atq; iustitia uiget, & uir-
tuti optimisq; artibus domi tuæ certissimus est recep-
tus. Literas colis, ingenia foues, magnificentia stu-
dium pulcherrimis operibus extendis. Rempublicam
porro ita gubernas, ut nobilitatem in honore habere
populum alere, & patriam tranquillitate atque opi-
bus florentissimam reddere cõtendas. Quod uerò ad-
mirabile clementiæ tuæ munus est, exules faciliè redi-
cis; parcis rebellibus scilicet ut plures domi sint, qui
tibi plurimum debeant, & nomen tuum sincero ma-
ximè studio uenerentur. Id enim salutare ciues agno-
scunt, Etrusci omnes certum publicis rebus præfidiū
fatentur, & tota iam Italia, atq; ulteriores gentes fe-
licis tui & rectè constituti Principatus decus conce-
lebrat. Perge igitur optime Princeps, ut te supergres-
sum humanas laudes, & beata tua prole gaudentem
quum longa senectâ uitæ finem attulerit, ingentem
animam conspicua in sede cœlites exceptâ cōstituant

et

et posteritas omnis, cuncta ingenij atq; Fortune tue
monumenta, aeternis laudibus persequatur.


Iouij Iunioris.


Qualis Hyperboreo letus Gradius in orbe
Fumantes quum soluit equos, sudantiaq; ora
Strymonis in ripa uictoricibus abluit undis;
Iam furor, et rabies armorum, iræq; minæq;
Belligero cecidere Deo, tranquillus inerrans
Ore rubor, placido signat sua lumina uultu;
Ille sedet lustrans oculis et mente benigna
Armiferam Thracen, defensumq; hostibus Hebrum
Prospicit, et Geticæ securamapalia terræ,
Tum Veneris blandum pertentant gaudia pectus.
Talis magnanimi diuino lumine COSMI
Ante alias longè radians effulget imago,
Ingentesq; gerens humeros, augustaq; membra
Effigies ullum nunquam peritura per æuum
Vertice nudato celsum caput exerit armis;
Sydereosq; oculos, regalia lumina uibrans
Pacatam se se populis spectantibus offert.
Ceu cum deposito magnarum pondere rerum
Olli tranquillam demulcent gaudia mentem,
Ingenti cum iam ceciderunt monstra ruina
Qua se deuicto mons Murlius erigit hoste;
Quum iam leta suo felix Duce Flora quiescit
Atq; Etrusca salus tanto sub Principe tuta est.


Rainerij.


Te duce, mortales quæ dedignata scelestos
 Extulerat niueos aurea ad astra pedes
 Aurea nunc Astrea redit, Venus ante recessit
 Sacrilega, Etruscæ Cosmæ decus patriæ.
 Per quem parta quies, & pax & copia rerum est,
 Et Sophiæ, Aonidumq; artibus ortus honos.
 In falcem, duce te, galeæ conflantur & enses
 Nec lethale sonant classica, nec litui.
 Marte satus, Ianum claudis, quis claudere Ianum
 Mauortis prolem te potuisse putet?


FINIS SEPTIMI ET VLTIMI LIBRI.











C1 B1 A1 C2 B2 A2 B5 A5 20 18 17 16 11
10 09 03 02 01 C7 B7 A7 C8 B8 A8 C9 B9

490

Image Engineering Scan Reference Chart TE263 Serial No.

the scale towards document

